

Vinars ai 23 di Setembar a Udin, Gurize e Nova Gorica un caleidoscopi di events, iniziatis, incuintris, musichis par intivâ la science e i siei protagoniscj

LA RICERCJE E VA IN PLACE

La ricercje de Universitât di Udin e salte fûr dai laboratoris e va in place. Vinars ai 23 di Setembar, a son une ventine i bancuts che a invadaran, cul dopomisdì e par dute la gnot, il centri storic de citât di Udin, in ocasion de Gnot europeane dai ricercjadôrs 2011 (<http://notteidericercatori.uniud.it>), organizade dal ateneu intal stes timp ançje a Gurize e Nova Gorica. Intal cûr de capital furlane e cjaparà vite, cun di plui, un caleidoscopi di avigniments, cun incuintris, spetacui e musiche. Une gnot par duçj, dedicate ae ricercje e ai siei protagoniscj, avigniment di puartade europeane che si fâs intal stes timp in Italie e in Europe. Peraule di ordin, "Let's play scienceville!", a segnâ il spirit di une manifestazion là che i ricercjadôrs a cjamin il grant public, mostrant la lôr muse plui umane e divertente, e, fasint tocjâ cun man i risultâts de lôr ativitât, intune vere full immersion inte science.

A Udin il public al podarà discuvierzi, intai 21 bancuts preparâts, la science in cusine, intes realtâts virtuâls e intal cuarp uman. Siôr il program dai avigniments speciâi: la finâl local di Start Cup Friûl Vignesie Julie, la aromai tradizional business plan competition sostignude de Fondazione Crup, presentade di Federico Taddia – vòs di Radio 24 – e cu la partecipazion de Bande Osiris; i ring scientifici cun personalitât di spic che si confrontin su temis di atualitât – di Margherita Hack e Furio Honsell, a Giancarlo Michellone a Attilio Maseri, fin ai sportifs Gabriella Paruzzi e Luigi De Agostini –; i "tais dal ricercjadôr" intai locâi dal centri storic, par cjatâ e cognossi lis vitis e lis esperiencis personâls de vite di ricercjadôr.

A Gurize e Nova Gorica simpri vinars ai 23 di Setembar a saran place Vitorie, Sante Clare, Place e Stazion Transalpine a ospità la manifestazion.


Disevot i bancuts dedicâts aes ativitâts di ricercje fatis e dedicâts a science e comunicazion, science e vin, science, tecnologie e ambient, di là di un program siôr di avigniments, incuintris e visitis voidadis ai lûcs de science in citât, aes premiazioms di con-

cors e cjae al tesaur, al cabaret scientific cul spetacul "Cjape puest! – Energie ae beorçje", cun Andrea Vico e Gianpiero Peroni.

E se la manifestazion e jentrarà intal vif dal dopomisdì sul tart e par dute la gnot, di no pierdi, pes fameis interessadis, l'apontament matutin, des 10 aes 13, cun "Condivit lis tôs memoriis": une ocasion par puartâ ae lûs e protezi de dismentie il patrimoni enormi di cine e memoriis audio amatoriâi fats in pellicule, curdelis e discs, consegnantu e fasinju restaurâ aes mans expertis che a operin intai laboratoris di cine e audio dal cors di lauree Dams dal ateneu di Udin; i filmâts a saran proietâts di sere al Palaç dal Cine, e lis regiistrazioms audio si podaran scoltâ intal Laboratori Mirage dal ateneu in Sante Clare.

La Gnot, destinade al grant pu-

blic, e dediche massime atenzion a zovinis e tant zovins: i students universitaris e des scuelis cjapâts in maniere direte inte organizazion des ativitâts, ma ançje duçj chei che a fossin incuriosîts des ativitâts dai laboratoris, cu la pussibilitât di sperimentâ simuladôrs, esperiencis sensoriâls, co-



legaments cun sîts archeologjics e altri ancjemò, o propit ai avigniments musicâi o ai ospits inomenâts. La Gnot, cun di plui, e je stade pensade tant che oportunitât par meti in cjamp la creativitât dai zovins, protagoniscj dai concors leâts ai temis de Gnot e pai cuâi a vignaran dâts i premis ai 23 di Setembar stes.

EUROPE CLAME FRIÛL

La Gnot europeane dai ricercjadôrs 2011, ae sò VI edizion, e je promovude de Commission Europeane e si fâs in diversis citâts di Europe. I obietifs a son: combati i

stereotips e fâ cjaçâ dentri al grant public il rûl dai ricercjadôrs; tirâ i zovins viers la ricercje; presentâ la vite di duçj i dîs dal ricercjadôr; creâ une rêt di relazioms diretis e informâls tra scienza, zovins e comunitât local. Udin, Gurize e Nova Gorica a partecipin chest an pe prime volte, in graciis dal proget transnazional, selezionât de Commission europeane e

acetà tra lis miôr propuestis pe sò dimension transfrontaliere inovative, "Rebound, Researchers on te boundary", presentât e ideât de Universitât di Udin cu la Universitât di Nova Gorica, Friûl Inovazion – Centri di ricercje e di Trasferiment tecnologic di Udin e il Primorski Tehnološki Park.

ACHÛ UDIN

STAND

Science in cusine – Une gnot di cerçâ

Un viaç intal mont de ricercje a taule e:
- comedâsi intal laboratoris di domotiche;
- discuvierzi lis plantis che a an cambiât la storie de umanitât;
- cjatâ fûr i prodots de tiere;
- maraveâsi cu lis gnovis tecnologjicis pe sigurece alimentâr.

Science intes realtâts virtuâls – Imerzi intes Cyber Gnot

Une esperiencje gjave flât tra real e virtuel dula che si podarà:
- pilotâ un avion in graciis dai simuladôrs di svol;
- visitâ sîts inaccessibils traviars un robot di ultime gnerazion;
- discuvierzi il prototip futuristic di telefonie mobile;
- fâ un viaç virtuel intes Grandis Termis romanis di Aquilee.

Science intal cuarp uman – La Gnot che e cure e al rigjenerere

Dula che si podarà:
- cjatâ i champions sportifs e imparâ i trucs par diventâ dai fûr classe;
- metisi ae prove e sperimentâ cemût che si reagjirês intune situazion di emergjence;
- osservâ lis celulis al microscopio;
- discuvierzi il mont de medisine rigjenerative, la ingegnarie dai

tiessûts e lis ultims rivoluzionaris terapjis pe cure des malatis.

AVIGNIMENTS SPECIÂI

Start Cup Friûl Vignesie Julie – finâl regional

Start Cup, la business plan competition organizade de Universitât di Udin, de Universitât di Trest e de SISSA cu la poie de Fondazione CRUP e de Fondazione CRT e celebrarà la proclamazion dai siei cinc vincidôrs in concomitanca cu la Gnot dai Ricercjadôrs trasferintsi pe ocasion in place Libertât e mantignint il format vincidôr colaudât intai agns. I progetis vincidôrs a saran proclamâts di fat dilunc di un spetacul che al vodarà la partecipazion de Bande Osiris e di Fidir Taddia, vòs di Radio 24. I progetis vincidôrs a jentraran di dirit ae fase nazional dal concors "Working capital – Premi Nazional pe Inovazion" che e met in pali cuatri premis di 100 mil euros ognidun.

Ring scientifici – A colps di science

Personalitât di spic a confront su temis di atualitât bulinte. Nons inomenâts, tant che Margherita Hack e Furio Honsell, Giancarlo Michellone a Attilio Maseri, i sportifs Gabriella Paruzzi e Luigi De

Agostini si drecin al public par fâ lûs su lis propriis esperiencis di vite.

Il "tai" dal ricercjadôr – La Gnot de cognoscience

Un confront diret cui Ricercjadôrs su temis bulints leâts al mont de science e de ricercje: intai locâi dal centri di Udin par discuvierzi "la muse umane dal ricercjadôr".



La Banda Osiris, cun Federico Taddia di Radio 24, e Manuela Croatto de universitât: duçj te finâl di Start cup.

European corner

Pont di incuintri des ativitâts de Gnot dula cjatâ dutis lis informazioms e indicazioms necessariis par vivi al miôr avigniment.

ACHÛ GURIZE

STAND

Science e comunicazion – I lengaçs de gnot

- Web social, semantic e adattif;
- esperiments linguistics online;
- ce che e je la publicitât social;
- filmâts ricuart su temis familiârs, intai formâts che a an fat la storie, tant che i 8mm, il super 8, i 9.5mm e i 16mm.

Science e vin – Al gjolt la gnot

Par discuvierzi:
- i formadis local;
- i vignâi e lis uvvis dal teritori, protagoniscj di une e mostre dedicate;
- i asins al microscopio e lis semencis di ue sezionâts;
- lis gnovis tecnologjicis dal setôr.

Science, tecnologie e ambient – par dute une gnot, sosten il to doman

Par cognossi o aprofondi:
- il mont dal biologjic;
- i temis de aghe, de sostignibilitât e des bio tecnologjicis.

AVIGNIMENTS SPECIÂI

Energie ae beorçje, cabaret scientific – Cjape puest!

Cabaret interatif che al vôt protagoniscj Gianpiero Peroni (comic di "Zelig" e "Colorado Café") e Andrea Vico (divulgadôr scientific). Un spetacul là che il public al è invidad a passâ la zornade tipiche dal ricercjadôr e a imparâ cemût che si pue sparagnâ energie, cence alterâ la cualitât de vite.

Planet science – Cjate chei altris

I ricercjadôrs a laran sù sul palc par puartâ in sene la vite in laboratoris traviars performance musicâls e artistichis in "moments speciâi" vie pe gnot.

Percors e visitis voidadis – I lûcs de science

Intes sedis dai laboratoris dai ents di ricercje dal teritori. Par tocjâ cun man i lûcs de Ricercje e cognossi l'ambient là che la Inovazion e nas, e cres e si disvilupe.

European corner

In Place Transalpine, pont di incuintri di dutis lis ativitâts dula cjatâ dutis lis informazioms e indicazioms necessariis par vivi al miôr chest che al entusiasme avigniment.